

昌化縣志

昌化縣志卷之九

人物志

名賢

宋符確沈靜好學博通經史平居常以天下事自任

守韶化二郡有善政祀鄉賢廟

趙荆字道授昌化人生時父夢一道人以手簡書

荆字授之因以為名焉先是觀中同邑符確登

薦荆嘗勵志歎曰吾他日不如符先輩非人也紹

興甲戌中南省第鄉人莫不歆羨以為有志者事

竟成初天聖間丁謂過昌化嘗為其家擇地云

必有登桂籍者至荆果然

阮通志

後淳熙中官至朝奉郎欽高二州判官老能戒得

以廉幹著名

阮通

孝友

文侯封生平事親最謹父有疾大便結燥不下公以手探缸門而接矢焉

史其全國學生邑墩頭村人二歲矢怙八歲時詢知號泣三日不止聞者罔不流涕母年七十患癰成痢半年不愈捧嘗湯藥未敢履離常取母衣褲而親浣之時人以爲難有堂嫂媼居賴贈錢米以度活遠近咸樂稱之公子綱今已入泮食饌

陳建正邑長山村人與弟廩生建邦至相友愛弟有疾爲親捧湯藥未嘗廢離及弟歿視姪猶子人無

問言

鍾國勳邑處士性極孝友至今稱之以上均本採訪

篤行

吳人俊貢生品行端方

蘇漢清貢生恩平縣教諭制行以忠正聞

鄒光德貢生三水縣教諭品學足爲士林矜式

蘇士卿貢生廉靜寡欲

謝士魁邑廩生品行端正

麥如桂貢生一生忠直

許光典貢生品行廉潔

鍾文會貢生選徐聞縣訓導學有本原

李何茂貢生老成鍊達士林宗之

周國明貢生兩任海康縣訓導多善政士林思之

陳玉書貢生長任長甯新甯縣訓導教士有方

陳建中貢生守正不阿非公事不到公庭鄉人以靜  
贈之

陳丕謨貢生一生是非不入耳捐館之日復甦講明  
喪禮三日而後逝鄉人贈之曰端

陳象賢貢生品行端方學問優長閩邑士林多出其  
門

黃海明貢生崇尚理學鄉里稱爲純儒

陳丕緯長山村人宗族鄉黨以賢能大老表其門至

今稱之

唐奎光貢生有文有行教育勤懇

陳璣貢生邑訓導重其品特以信義二字贈之

陳士甲貢生尊師重道樂育爲懷

陳三典邑增生好學勤教

陳德華邑附生孝親信友力學安貧

湯克剛貢生有才能凡遇地方公事鄉人咸稱其介

鍾載華貢生克承父志閉門課徒一生不履公庭

鍾錫榮貢生恃寡母食貧茹苦撫育成人勤懇勉學

一生不違母訓

董志道貢生生平好善廉介可風

郭長安邑廩生老成公正鄉隣及黎崗不平之事一經排解無不帖服

周文中邑廩生家貧力學咸稱其有型于之化

吉文炳貢生候選教諭遠理學重文教一時英俊多出其門

文安字貢生品端學粹盡心教育爲闔邑之望

林秀英德圖人歲貢生忠厚和平性極孝友凡憐貧恤孤之事不遺餘力鄉隣紛爭一經投訴排解無不帖服有謝之者必正色拒之子樹德增貢生

樹敏廩膳生孫映桂映馨同遊泮水公均及見之  
人咸以爲福報云

林 棻英德圖人疏財仗義同治初年感恩黎匪出  
外滋擾幾釀巨患公恐貽害地方周旋其間極力  
排解捐資無算其事遂寢生平尤多隱德三子均  
列膠庠光緒丁酉季子天臯遂登賢書開

國朝鄉薦之首實公之積累有以啟之也

郭元贊廩生品正行端尤好施與隣之孤子貧不能  
婚公竭力玉成無德色寒儒有不能赴試者恒俛  
助之士林稱誦不絕於口鄉里至今有地方不可

無此人之語其見思如此

以上均  
本採訪

卓行

黃錫科英德墩頭村人和平忠厚濟困扶危尊師重道凡有設館於其村者必捐增脩俸鄉里不能完娶者代完有二貧鄰鬻子償負公解囊贖之其之嗣賴以不絕後享壽八十蒙

恩詔賜九品現其孫錦雲錦繡皆食廩餼公之貽澤孔長矣

黃魁斗邑耆老性廉介好施與邑有德義橋久病涉公傾囊捐建人甚便之

周廷綸邑文童小試屢列前茅氣甚豪邁同治十三

年間海盜犯境親率鄉民擒獲盜首七人由縣稟  
請府道獎勵至今奇之

以上本  
採訪

節孝

張氏生員孫廣學妻宏治辛酉符南蛇亂夫婦被掠至崙賊欲置張他所張正色曰卽死吾夫婦同穴可也何他往耶賊怒出廣學殺之張抱夫屍號哭罵不絕口亦被害

陳氏百戶榮長女贅本衛前所千戶舍人溫爛爲壻時符南蛇亂陳與三子並一女年十三俱被執陳度不免罵聲罵曰我家婦豈受犬彘汚哉奪賊刀先殺其女乃自刎

沈氏生員吳曰巽妻武宣教諭沈心融女年二十寡

苦志守節壽八十二順治九年署縣徐斌暉詳院

賜匾曰柏舟繼美每月給米贍之

以上本  
舊志

王氏張萬全之妻年二十七歲夫故立志撫孤孤夭  
氏痛幾失明歷苦節三十五年今壽六十五歲食  
貧居賤依女度日人皆敬且憐之

林氏倪成二之妻年二十八歲夫故撫孤成立歷苦  
節三十二年享年六十二卒

文氏林朝宏之妻年二十五歲夫故撫孤成立歷苦  
節三十五年 年六十卒

林馬氏邑附生林開甲之妻二十九歲夫故立志撫

孤至於成立年七十八歲卒計苦節四十九年

周林氏邑廩生周文中之妻年二十九歲夫故矢志

柏舟禦貧無怨年八十六歲卒計苦節五十七年

子三長廷綸以捕盜功賞六品頂戴次廷縉增生

三廷紳附生皆能成立氏苦節為不朽矣

以上本採訪

